



Sindikata Uprave za indirektno/neizravno oporezivanje

Синдикат Управе за индиректно опорезивање

Broj:80/3-04/21

Datum: 28.04.2021. godine

KABINET DIREKTORA UINO
N/r Direktora

PREDMET: Inicijativa za usvajanje Plana vakcinacije protiv COVID-19, dostavlja se

Poštovani,

kao što smo Vas upoznali Sindikat UINO se, dana 19.04.2021. godine, obratio Ministarstvu sigurnosti BiH i Vijeću Ministara BiH, zamolbom za uključenjem 1.500 djelatnika Uprave za indirektno-neizravno oporezivanje BiH u prvu listu prioriteta za vakcinisanje doniranim vakcinama od strane Republike Turske, kineskog proizvođača Sinovac, koje su namjenjene za vakcinisanje pripadnika sigurnosnih agencija BiH, uz napomenu da su, rame uz rame, uz policijske snage na granici BiH, kao i u ispostavama carinjenja, svoje radne zadatke efikasno obavljali i carinski službenici, odnosno zaposlenici Uprave za indirektno-neizravno oporezivanje BiH, s ciljem da lijekovi, medicinska i zaštitna oprema, prehrambeni proizvodi i ostale robe i u vanrednim okolnostima sigurno i pravovremeno stignu do građana BiH.

Ukazujemo da je zdravstveno-sigurnosna situacija zaposlenih u organizacionim jedinicama UINO ozbiljno ugrožena i alarmantna, te da postojeće zaštitne mjere nisu dovoljne iz razloga što je, zbog prirode poslova koje obavljamo, svakodnevna izloženost virusu veoma intenzivna. Samo u posljednjih 20 dana prijavljena su nam 4 smrtna slučaja naših kolega uslijed posljedica zaraze virusom COVID-19 i preko 20 novih zaraženih slučajeva u našoj instituciji. Praktično nema organizacione jedinice u kojoj nije bilo zaraženih, a posebno su teški slučajevi na graničnim prijelazima i u carinskim ispostavama. Situacija je krajnje zabrinjavajuća i zahtijeva hitne mjere.

Obzirom da vakcinacija, kao najefikasnija specifična mjera za sprječavanje pojave i širenja zaraznih oboljenja, predstavlja značajnu mjeru u globalnoj borbi protiv pandemije COVID-19 koja smanjuje morbiditet i mortalitet uzrokovane ovom bolešću i utiče na ograničavanje širenja bolesti, molimo da menadžment UINO poduzme hitne aktivnosti u vezi s nabavkom dovoljnih količina vakcina za zaposlene u UINO. Predlažemo instituciji UINO da se obrati za pomoć ili donacije Ministarstvu sigurnosti BiH, te da organizuje vakcinisanje prioriternih kategorija zaposlenih.

S tim u vezi predlažemo da menadžmet i Operativni štab UINO, radi brzog sprovođenja efikasne vakcinacije, na nivou UINO pripreme i usvoje Plan vakcinacije protiv COVID-19 koji će jasno odrediti prioritete skupine zaposlenih za imunizaciju, kao i faze vakcinacije. Ovo su do sada već uradili entiteti i većina institucija u okviru entiteta, kao i brojna pravna lica za svoje zaposlene. Također, potrebno je izvršiti evidentiranje onih zaposlenih koji žele da se vakcinišu, kao i podatak o željenoj vakcini.

Sindikata je stanovišta da moramo spremni dočekati eventualno određenu količinu vakcina za instituciju UINO i brže poduzimati konkretnije aktivnosti oko zaštite zdravlja svih zaposlenih u UINO.

S poštovanjem,



Predsjednica Sindikata UNO

Ana Mrnjavac

Bana Lazarevića bb, 78000 Baња Luka

Бана Лазаревића бб, 78000 Бања Лука

E-mail/e-маил: suino@uino.gov.ba Web/веб: www.suino.ba